

# শাকসু নির্বাচনে মনোনয়নপত্র জমা দিলেন ১৯১ জন


শাবিপ্রবি সংবাদদাতা

প্রকাশ : ০৭ ডিসেম্বর ২০২৫, ১০:১১



শাবিপ্রবি কেন্দ্রীয় ছাত্রসংসদ.

শাহজালাল বিজ্ঞান ও প্রযুক্তি বিশ্ববিদ্যালয়ের (শাবিপ্রবি) কেন্দ্রীয় ছাত্রসংসদ (শাকসু) নির্বাচনে মোট ১৯১ জন প্রার্থী মনোনয়নপত্র জমা দিয়েছেন। এর মধ্যে কেন্দ্রীয় সংসদের ১০৬টি এবং ছয়টি আবাসিক হল সংসদের ৮৫টি মনোনয়নপত্র রয়েছে।

 দৈনিক ইন্ডোফাকের সর্বশেষ খবর পেতে Google News অনুসরণ করুন

শনিবার (৬ ডিসেম্বর) রাত সোয়া ১০টার দিকে শাকসু নির্বাচন কমিশনের মুখপাত্র নজরুল ইসলাম এক সংবাদ বিজ্ঞপ্তিতে এ তথ্য জানান।

নজরুল ইসলাম জানান, শাকসু ও হল সংসদের নির্বাচনে প্রতিদ্বন্দ্বিতা করতে মোট ২৫১ জন মনোনয়নপত্র সংগ্রহ করেছিলেন। তাদের মধ্যে কেন্দ্রীয় সংসদের জন্য ১৪৫ জন মনোনয়নপত্র নিলেও জমা দিয়েছেন ১০৬ জন। অন্যদিকে হল সংসদের জন্য ১০৬ জন মনোনয়নপত্র সংগ্রহ করলেও জমা পড়েছে ৮৫টি।

তিনি আরও জানান, আজ রোববার প্রাথমিক প্রার্থী তালিকা প্রকাশ করা হবে।

এর আগে গতকাল সকাল ১০টা থেকে বেলা আড়াইটা পর্যন্ত মনোনয়নপত্র গ্রহণ করা হয়। এ সময় সম্ভাব্য প্রার্থী ও তাঁদের সমর্থকদের জমায়েতে নির্বাচন কমিশন কার্যালয়ে উৎসবমুখর পরিবেশ সৃষ্টি হয়।

ঘোষিত তফসিল অনুযায়ী, আগামী ২০ জানুয়ারি শাকসু নির্বাচনের ভোট গ্রহণ অনুষ্ঠিত হবে।